



Ēbera neo unubiđi karea babada ewarira obadaa poaza ɓarima aɓa. Mañ ewarira babadaa j̄ruarē bema domiane. Mañ ewariđe wārada bio ne kīratanoa ne cawaa dadyi ēberāba eroɓeara unubibadaa. Mañ nekawaara ēberā dobidada kawabeaa dadyirā droaɗaɓa kawapeɗaɗada. Mañ ewarira babadaa mañ ne kawaa kīratanoa eroɓeara kīradoada amaaba. Āteɓaraɓ biara piāka awaara wāna marea mawā mañ ewarira ba panabaria. Mañ ewariđe ādyirāba trakuabadaa bairadi karea chirú zakawa ɓe drōarada, idyiaba chiru zakawa ɓe kūdrarāsida. Mañ awara bawara jarabadaa wāna marea warrarā ecuaelade ɓearāda idyiaba universodaɗe ɓearasida karide wa bairade wana marea mañ ewari baduanaɓ misa. Mañ awara kaiba biara kari kawabea kawadi karea jawa zabadaa.

Mañ ewariđe dyi ne o kawabea ēberarāba enebadaa ne juma kirātanoa ara ādyi jawaba opeɗaɗada ātaɗeba opeɗaɗada, idyaba cocobolodeba opeɗaɗada. Bio kīrawārea kedeabaria mañ peɗaɗara. Animarā zaka zōkara okuabadaa. Ara mañ kīrāka wēraraba edeebadaa ara ādyi jawaba opeɗaɗa jīwā kīraneba ne kīratanoa zocoda, animara boroda idyaba ībana boro zaka ɓeada. Kārɓajamaneba obadaa mañ awara ocama ɓeada kirātanoa, jawa chirude jɓbada ɓeada, jubari ɓeada, borobari ɓeada, idyaba chidichiɗi sida bio zokāra.

Mañ ewariđe koɗi karea bema sida bio kirātanoa numa baria, dyiko wa ɓeda baɗada, kāɓeada, neɓa ɓeada, bekatorroda, ɓekapurruda, boɗodyida, āborromīa ɓarraɗa āɓɓaɗada baraabaria. Doɗi karea bemara barabaria, ɓirolada, birībida, wateda baribarɓ biara edeebadaa chinaɓgoda. Mañ chinaɓgora itua asea.